

2023
SÜMI (SÜ TSAH)

Total marks : 80

Time : 3 hours

General instructions:

- i) *Approximately 15 minutes is allotted to read the question paper and revise the answers.*
 - ii) *The question paper consists of 22 main questions.*
 - iii) *Internal choice has been provided in some questions.*
 - iv) *Marks allocated to every question are indicated against it.*
- N.B:** *Check that all pages of the question paper is complete as indicated on the top left side.*

KOKÜPPHA – A (Ghili Kiyye)

1. Yepua keu phiju no injü akeqo khochile tsülo:

Akiqi küa Sümi kichimi khisa hipau kügha cheni. Inakha ye Achumi eno Ghonili ye Asülimi. Pama akibo shive no kinikülü shi xü ache. Pama dolo anga lakhi Visheli ache. Inakha ye aghutomi shi ache kehu ado ado kümtsü sasü aghülau ache.

Ghulo lakhi Inakha no aghami sasü aghülau cheke lono sükomi ilimi Chevili no alulo huaghi keu ithuluno lisasü küzüvü ghi ngo auveno ide wove. Athiu ghi titoi shi awuve kelono aghamiqo ye pa ghulo wutsümove. Chevili no amu noqo vilo Inakha no kishi acheni keno pive. Ghulo lakhi ye Chevili alulo puhuve no amu pama no miqe ighi keloye kucho Inakha no Chevili sasü alhealo ngo aghi. Pama no hula hila khasü luveno Inakha yiveni keu shive. Inakha ye pokulupu laghi kühave kehu, Ingu okujo ye kiu shi cheni kea? Ipi. Tileno küpütsa süwo Chevili luni keu kükülaza shisüve no wove. Inakha no akilo ighi no Ghonili vilo ‘ni ye iküxü xalu ni ye atsa pipimive no cheni’ ipi. Ghonili no ti vethaluve puzü ‘Inakha ghi kipitimi no pathe paye ta thono kiu pi ania’ ipi. Inakha no Ghonili vilo ‘ni ye Chevili okujo akichiu ayitiu shin-go penishi ani’ ipi. Ikemu Ghonili no, ‘Inakha ghi aküsa ngo akühaghi ye kische pelu chemoe, tighengu no ino ipeve tsüni’ ipive. Ghonili no akilo asü azü kümtsü kutokughoi mlape qhive tsüno akilo akughupu nhemgha kümtsü ikhithape azühü kughupo lo süpe qhi khave. Inakha no Chevili lusüsü ighi kelo Ghonili no ‘anga kimiye keke ni ye kiumu lutsümove, eno hino iki khacheni ke’ ipi no azühu kughupo ikhipe ahu ipeche kemu Inakha no lakha luve alasheu ghi Inakha no lakha luve tighengu no Ghonili ye aküsau no ipeve. (totimi ye aküsau ipe chini che)

Ghonili ye akiniu Sumixi kilo wove. Ampe lakhi lo Inakha no ngo Ghonili panongu alu küghüngu ghi chiluno küputsa kilelu che, ghulo lakhi Ghonili no Inakha no ye kiu toi xü anilaye miqe alhea lo alhe jukelo ye, alhe pumono huaghi. Thoghiu ye Ghonili no ashia ana akivishi kuto no pe iku Inakha no lhea lo qhive tsü. Inakha no ti ithulu no Ghonili kümla kena ipi ithive. Ghile loghi kümtsa atsala lakhi lono hulu. Inakha no ye athi ayephu 9 tchi ipi no, athi lumo kehu alulo kuhumi kümtsü akughou no wokhave. Inakha no ghuthu lakhi pulu süsü Ghonili no kilo ighi. Thanau inaqhe Inakha ye avehu anipino itheno ashou ipeveno munu akilo ighi, Ghonili no ye tipau tsala lo alojisa akehu, Sumixi ye itheno alulo huve keghili shi no amqhalo iku miqea. Inakha no munu ighi ke Ghonili no pa khuna kutotsü kelo Inakha no ‘alomka nono kitila chu no itsü kitila shono ije lo’ ipi ikemu Ghonili ye lotsüloghui kemi kehu Sumixi no miqe aghi nani ipi ithia kehu, ‘nono yathapumu timi ghi yathapu nono müghüpumu timi ghi müghüpu ani. Muzü aye pechuni thono,

tüghü aye akichhi pesholo' ipive no 'Ilomi Sumixi noye huvea ke' ipi no aki qhive tsü puzü alulo huve. Inakha no 'ni ye kiu lono ilomi Ghonili pheve kepu shive kea?' ipi kümsüa.

- (a) Ghonili kimi atughiu je khuu kea? 1
- (b) Inakha ye kiu ghengu no Chevili luve kea? 1
- (c) Ghonili ye Inakha pama ixave kelo kiu pesü wuve kea? 1
- (d) Ghonili ye kiu shiye ashi ana ghope Inakha no lhealo qhitsu kea? 1
- (e) 'Ni ye atsa pipimive no cheni' kiu tsa pipimive kea? 1
- (f) Ghonili ye kiu shiye aküsau no ipeve kea? 1
- (g) Ghonili no 'aküsa ngo akühaghi ye kishe pemlae' ipi keu kiqu pitsülo. 2
- (h) Müzü aye asa pechulo tüghü aye akichhi pesholo' ipi keu kiqu hepho tsülo. 1
- (i) Kiu shiye Inakha no ye athokha shi xü acheuve kea? 1

KOKÜPPHA – B (Iqqikulu)

2. **Atsathi 100-150 dolono yelo:**

- a. Yekili lakhi 'Sümi kipi' lau yeghi ishi dolo Sümi tsa iqi eno atsathi akitheqo peitha akeu lo avehu izu momu kübangu akeulo kiu no akiviu shilu nani keno okükümsü kusaje shi Sümi Literature Board qo lau yelo. 6

Momü

- b. Noye kiphimi shou sakipheu. Ishi dolo msheshomheghi tsala ikhilu keulo khakiqhi küpüghu kiu toi shilu keno kiyephi lo sükeu shi yelo.

3. **Atsathi 50 dolono lakhi likhi yelo:**

- a. Kuküsü yelo, Nono ayeghiqhau- lotsüpu kukuxu lo atüghiu shilu keu ghenguno alokivi shi oküsami kusü keu yelo. Atsala, A-a eno ado kishekulu yesulo. 4

Momü

- b. Akusami kini dolo akiphiki theve akeu dolo kiu shini keno kuputsa akeu yelo.

KOKÜPPHA – C (Tsayeh)

4. **Achipiu tsathi pe kimeve tsülo:**

5x1=5

- (a) Aza pelimi vilo _____ kucheni.
 - (i) amu
 - (ii) angu
 - (iii) ani
 - (iv) achi
- (b) _____ kaku lakhi pe ighilo.
 - (i) wupu
 - (ii) wupüzü
 - (iii) woqe
 - (iv) wupi
- (c) Noye _____ kiu lhochu kea?
 - (i) ishina
 - (ii) isüna
 - (iii) ishinna
 - (iv) isünna
- (d) Awuno athi _____ ani.
 - (i) muno
 - (ii) chu
 - (iii) mighi
 - (iv) tsa

- (e) Aloto ye _____ sükelo toluva.
(i) ghukuju (ii) thekuju
(iii) pekujü (iv) shikuju

5. **Tsashi pe aje lo süvelo:**

- (a) Küla 1
(b) Tsütsüsü 1

6. **Suchou tsathi pe pidelau süve lo.**

- (a) Kipela 1
(b) Lukümkha 1

7. **Akiye ghola shikithe ve tsulo:**

- (a) Ampiu alhou no thowkha kümtsü shou ampiu. 1
(b) Noye kuhukupu lono ighi ani ohakusa. 1

8. **Atsa tuna hipaço pe atsajo mlalo:**

- (a) Akuhu-akuwo 1
(b) Akithe- akile 1

9. **Sutsakutho hipaço akiqi pitsülo :**

- (a) Khecheli kupu 1
(b) Ane no sho 1

10. **Sütsah lo pekili süve lo.**

5x1=5

- (a) A man cannot serve two masters.
(b) Where is the Barber's shop?
(c) Baichung plays football very well.
(d) Alas! We are defeated.
(e) I love to travel.

KOKÜPPHA- D (Kichitssathoh eno Apuh Assü Leshe)

11. **Achipiu tsathi pe kimeve tsülo:**

5x1=5

- (a) Alhou no lhoküsu lhoxu dolo _____ akumghau.
(i) amishi (ii) timi
(iii) awo (iv) atsu
- (b) Aghau hipau pesu _____ ipi cheni.
(i) Thochipa (ii) Thochiu
(iii) Tusholi (iv) Chishilimi
- (c) Timi huye pa thikuzuu _____ sasu aluche kughungü ache.
(i) Angushuu (ii) Shixilho
(iii) Lhoxu (iv) Tüghami
- (d) Axeu no _____ no le ini ani.
(i) noye (ii) Niye
(iii) paye (iv) ningu ye

- (e) _____ kuxo shi ishi xo puwo cheni lai.
- | | |
|-------------|--------------|
| (i) Axathi | (ii) Axamunu |
| (iii) Aboxi | (iv) Hengu |

Atsathi 20 – 25 dolono khochilelo:

6x2=12

12. William Carey no kutsu keu akhoto kiu kea?
13. Timi ye kiu kiu ilhove cheni pi ithi ani kea?
14. Sumi khuayelo kiu ghuloki lono ahopuu kusawo kughulhu cheni kea?
15. “Nono isasu kusho nishi aye lashola lo kulhobo kita lo wo ikhe aghilo.” Atsajo hipau ye khuno khiu vilo pi ani kea?
16. *Leshe hipau akiqi pitsulo*
O ishe anga ozano kupunulo.
Ipolono pukiyeni aye aqhi chighi.
17. a. “Kighili kuami hu ni xeu
Shimulla küpü shenila.”. Kiu ghenguno küpü shenila ipi ani kea?

Momü

- b. Ino putho zuhu gholumo ikujo vehu kishito, lau no tcheju puwu aye inhezu iqighi anishi saye. Akiqi pitsulo.

Atsathi 40-50 dolono khochilelo:

4x2=8

18. a. Ame ye kishi kugha cheni kea? Hipaqa akiqi ye lo. Ahopuu, anisüu eno Akhaukipeu.

Momü

- b. Thochipa ye kishino ajoji ghawu mih ithulu kea?

19. *Atsala no anheu no atsütsu ilokighi*
Tiye aghuthemi no akutsu pe,
Ilokighi ngushi aghini mulai!
Atsajo hiye kiu leshe lo ani kea?
Leshe akiqi pitsulo.

Atsathi 60 - 90 dolono khochilelo :

20. a. William Carey ye kughono India lo ighi eno paye Kishino India lo ighilu keno kishekulu apasushi yelo.

5

Momü

- b. John Simon Commissioner ye kugho no Kohima lo ighi kea? Paye kiu ghenguno ighi eno Nagami dolo. Khuu no kiu kishi pa khochile kea?

21. a. “Anachumi ishi kumomi huno
Chehu ashe lono laju puha cheye
O ki tchelo kithila ju qa ye,
Timi ye ni lojimi pavinie pi kumsüye.”

- | | |
|--|----------|
| i. Leshe hipau lo khuno akipiu kea? | 1 |
| ii. Khuu no ashe lo khu ju puha kea? | 1 |
| iii. Oki tcholo kithila ju qaye pi akeu ye kiu pi ani kea? | 2 |
| iv. Khuno lojimi pavini pi kumsu kea? | 1 |

Momü

- b. *Yevihe no xeu aghili thwokha, agilo*

*kughujupu kishimi hu, Itsa igha süsü
aqhe ghili shi. Ozano piye püzü ato
inawoye, No kümsü ana.*

- i. Yevihe no xeu ye khu-u kea. 1
- ii. Agilo kughujupu eno itsa igha aqhe ghili shi hiye kiu pi ani kea? 2
- iii. Aza ye khu-u kea? 1
- iv. Hiye kiu leshe lo ani kea? 1

- 22.** *“O itsü no hakiye ino kiji ato ino kiji ato ino
Kugho lono ashi thami no ilo pa thalu
Lhoaye hakiye wo wonizu ye wo
Pazano kupujuno alaju puha ala
Oishe itsuli wokulho no amukulo ani
Itsu sailewo ghilo, sailewo
Nighasa lo ghulo lakhi kivehu juana.”*
Leshe hipau kiji pitsulo (5)
